



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 561 Usque Ad Annum 633

Fleury, Claude

August. Vind. [u.a.], 1759

VD18 90117832

§.23. S. Joannes Climacus.

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

§. XXIII.

Sæculum VI.
A. C. 573.

S. Joannes Climacus.

Postquam Gregorius discessisset, Joannes Climacus Montis *Sina* Abbas fuit, quamvis non constet, an eidem proxime in Regimine secutus fuerit, vel aliquis alius intercesserit. Climacus annos natus sexdecim ad istud Monasterium venit, sed non nisi post annos quatuor Tonfuram Monasticam recepit, seque ad stabilitatem obstrinxit. Primo Magistrum habuit Monachum nomine Martyrium, quo defuncto, solus infra montem in Cella, quæ Tola dicebatur, habitans vitam Anachoreticam duxit. Postea quemdam Monachum, nomine Moysen, contubernalem admisit. Cum invidi de Climaco dixissent, eum inutilia garrere, & seria negligere, calumniam silentio refutavit, per annum integrum nulli hominum loquens. Postquam annis quadraginta vixisset in solitudine, Abbas Montis *Sina* invitatus eligitur.

vit. ap. Ra-
der. Isag.
Boll. 30.
Mart. to. 8.
p. 834.

S. Joannes Climacus a Joanne Abbate Raitheno rogatus, ut Tractatum Asceticum ad usum Monachorum scriberet, composuit suam *ad Cælum Scalam*, Opus inter Libros pios celeberrimum, unde etiam Cognomentum Climaci nactus est, nam *Climax* Græce *Scalam* significat. Constat hæc Scala triginta gradibus, qui

E 4

totum

Sæculum VI. totum vitæ interioris profectum a prima
 A.C. 573. ~~_____~~ Mundi fuga usque ad Orationis genus
 sublimissimum, & perfectissimam Animæ
 tranquillitatem complectitur. Ubi lo-
 quitur de Obedientia, exempla narrat,
 quæ ipse in quodam Monasterio trecen-
 torum triginta Monachorum sub Abbate
 consummatæ prudentiæ viro in Ægypto
 prope Alexandriam viderat, & admira-
 tus fuerat. In illo Asceterio videre e-
 rat senes post quadraginta aut quinqu-
 ginta a tempore Professionis suæ annos
 simplicitate, qua infantes solent, Præpo-
 sitis suis obedire. Cavillationes, disce-
 ptationes, sermones inutiles inde procul
 amandati. Abbas sæpe summæ perfe-
 ctionis viros castigabat nulla alia de cau-
 sa, quam ut in patientia & obedientia
 exercitarentur, in virtutum semita pro-
 grederentur, & alii eorum exemplo do-
 cerentur.

§. XXIV.

Pœnitentium carcer.

Uⁿo ab illo Monasterio Milliario erat
 aliud & minus, quod carcer diceba-
 tur, in quem Monachi majoris Monaste-
 rii ultro migrabant, si post suam Profes-
 sionem graviore culpa se illigassent. E-
 rat hic locus horridus, caliginosus, lu-
 ridus, squalidus. Omnia tristitiam &
 pœnitentiam inspirabant. Nunquam
 ibi